

經心書院與地學課程

一
冊

沿江大略

先總論次從海口逆溯而上

計東籌南論四。長江萬里。其源之發於蜀者。不具論。論其出蜀之後。其流有三。曰荊州。上流之重鎮也。曰武昌。曰九江。中流之重鎮也。曰建康。曰京口。下流之重鎮也。而襄陽之屏蔽荊州。蘄黃之屏蔽武昌。九江亦猶揚儀廬和之屏蔽建康也。而上流中流之脣齒建康亦猶淮東西之脣齒建康也。臣蓋嘗熟稽古事。見西北之欲取東南者。其出師之道。不越淮荆二路。然晉之舉吳。其徑趨石頭者。必王濬之順流武昌。元之舉宋。其先入臨安。

者必呂文煥之先驅入鄂而琅琊王伋

謂司馬伋時封琅琊王也詳晉

書原文但作王伋誤

之出涂中劉整之出淮南多不若是捷者僅

一隋之滅陳廬州和州兩總管先入金陵而楊素之師後至亦以陳宣帝時先失淮南故使韓賀竟截江而渡無取淮之勞而楊素不能及是則師之自淮甸而來者似近而實難自荆楚而下者似遠而實易

今案計改亭謂西北欲取東南不越淮荆二路淮甸難而荆楚易以荆楚居金陵上游也其說最確惟近時外人通商由海道入巨舟飄忽始自下游而上此

爲局勢頓異建康京口見前途中卽今滁州涂與滁

通長江源出於蜀此係循昔時舊說

今金沙江最遠正源

又案章如愚山堂考索謂江出岷山經夔峽而抵荆楚則江陵爲一都會沅湘眾水合洞庭而輸之江則武昌爲一都會豫章江與鄱陽之浸匯於湓口則九江爲一都會近時馬素臣徵麟增以皖南皖北眾水合於牛渚則姑孰爲一都會南連吳越北接淮揚則鎮江爲一都會險要必爭之地不過數四計氏籌南論中詳辨要害都會謂全楚都會止一武昌可以都

天子而會萬國。夫是之謂都會。非以諸水所合遂曰都會也。但眾水總匯。要亦未嘗不可以都會言。都卽總字之義。

羅忠節公澤南致曾文正公國藩書。東南爭戰。必恃水。陸兼濟。大江之要害有四。一曰荊州。蜀江初出峽之水也。荊州不守。則西可以窺蜀。南可以襲常。澧。一曰岳州。沅湘洞庭之水。由之以匯大江者也。岳州不守。可因之以犯長沙。窺衡。疑而通嶺外之寇。一曰武昌。江漢之所由合者也。荆岳諸州。倚之爲鎖鑰。而溯漢水而上。卽犯

湖北之襄鄖陝西之漢中度南棧可以爭劍閣踰北棧
可以據陳倉秦蜀輿區悉爲震動一曰九江大江東流
彭蠡入之南昌之門戶也西踰湖南東犯閩浙在在可
通此皆用武之國智謀之士所必爭焉者也至於皖城
江表重鎮爲都金陵所必重非長江險要之地建業龍
蟠虎踞古稱天險而地居下游勢尤不足以控西北荆
岳鄂潯非其所有遂有岌岌不可終日之勢

今案忠節此書所論長江要害縱橫四出較他人特
屬明備惟時粵逆洪秀全正踞金陵官軍方自上游

臨之故於九江以上特用諄諄鎮江以下從略

又案大江津渡之處言形勢者亦不可畧宋吳表臣

云大江上自荆鄂下至常潤其要不過七渡上流最

緊者三荆南之公安石首岳州之北津

卽今荆河腦南岸斜對爲

城陵磯

中流最緊者二鄂之武昌太平之采石下流最

緊者二建康之宣化鎮江之瓜洲所謂常潤卽今常

州鎮江二府見前所謂宣化卽古宣化鎮濱宣化江

在今儀徵縣西四十里其度曰五馬渡爲晉元帝與

諸王渡江處學人於忠節書外取七渡熟之斯善

馬徵麟長江雜說。自昔江流壯闊。在在緣以爲險。近代漸就淤填。一葉可矜。飛越江固非復昔日天險也。然分南北者。利於寬。扼東西者。利於狹。則今日之用長江。與昔日之用長江。移宮換羽矣。

今案此見長江圖說卷之九。分南北者。利於寬。當三國時。曹丕臨江而歎。謂固天所以限南北。以此扼東西者。利於狹。則彭剛直公所謂礮臺守險。須在緊東。易守之處。可省兵力爲要。不在散漫難守之處。貪多爲壯也。第自江流既狹以後。江身日淺。江面日窄。東

南水患不免日劇此又不可不知

又案大江雖曰天塹江防實不可一日疏明代舊設
操江都御史康熙初年撤之同治中興以來曾文正
奏設長江水師提督節制五省所轄總兵由上流而
下言之岳州鎮一漢陽鎮一湖口鎮一瓜洲鎮合
之兼轄狼山鎮凡五鎮也崇明縣所駐蘇松鎮在外於是上下數
千里呼吸相通聯爲一氣

大江入海之口北爲通州直隸州有港曰狼山南爲蘇
州常熟縣有港曰福山孤懸海中翼蔽江口者則太

倉州屬崇明縣。崇明唐高祖武德中湧沙。五代時所謂顧俊沙也。後又曰姚劉沙。今論次江防。先自崇明始。以次及於狼山福山。及於狼山福山以上。

崇明縣在太倉州東北六十里。北至海口三十里。此處江廣幾二百里。縣實居其中以橫蔽之。因分水道爲南北。其北與通州之蓼角嘴接。

蓼一作廖亦作料

均平淺沙

灘深水亦止十餘尺。自帆船外輪舟不能進。其南與

寶山縣及吳淞口接。自西北至東南互百餘里。亦曰

東沙。

崇明先有東沙名。

同治初年東沙又涌出二小島。於是

東沙又分南水道爲南北二道。北道迤邐淺沙。外人呼曰大揚子灘。深處不過二十尺。輪船未敢通行。今出大江口。抵上海縣商埠者。僅係南水道中之南道。大江萬里入海。得崇明始有關鎖。蘇松鎮總兵駐劄是地。用以總理沿海水師。不得謂海防所重不在此也。

狼山福山踞大江入海之口。狼山在通州南十五里。

光緒

二十一年江蘇輿圖

謂山在城南十八里。從三官殿港視之。當羅經卯方。

竝峙者。西爲塔山。馬鞍山。刀劍山。軍山。因又有狼五

山之名初本軍山在刀劍

紀要作乃

山東南隔江數里今

五阜斷續相連皆在陸地元張瑄朱清海運故道則

當塔山下也

塔山近時輿圖作黃泥山

福山距蘇州府常熟縣太

十里本名覆釜山唐時改曰金鳳韓世忠嘗扼此以

拒金人西征紀程東南自南岸之白茆司

泰西人曰布法魯角

今案此屬蘇州昭文縣地

西北至北岸之假山角相距殆百里泰

西人名爲狼山渡

今案水道提綱謂蓼角嘴徑白茆浦百四十里餘則皆謂狼山福山

絕江而渡凡八十餘里

左右沙縷密布惟中泓一水可通輪船

廣處不過五里狹處或僅一里近世言江防者咸以

江陰爲重地。然明險在江陰，隱險在狼山與東沙。

長江水師汛防起自常州府屬江陰之蝦蟇山東距福

山港六十餘里，自此西上四十餘里而至鷺鼻嘴，與

江北岸劉聞沙，扼江陰靖江

靖江亦屬常州

二縣之最狹處。

江面在此僅三里許，實長江最要關隘。彭剛直所謂

第一重門戶者也。江陰漢會稽郡毘陵縣地，倚江爲

險，城周九里，自福山來者，凡過鹿苑黃泗新生諸港，

糴齒盤龍諸山，至君山則當縣城之南。

山以春申君黃歇得名。

歷代以爲戰守要地，大小石灣鷺鼻嘴卽在其旁北。

岸自狼山上者則歷通州如皋縣境以至靖江靖江
舊爲江陰縣之馬馱沙初在江中自明熹宗時始以
沙壅屬北岸劉聞沙在其南與南岸鷺鼻嘴今並設
有礮臺綿亙若隄每隄可施礮數十位蝦蟆山以下至狼山福山另設內江水師五營

沿南岸鷺鼻嘴而上百三十餘里爲長江內戶五省喉

吭者曰圖山凡歷江陰武進丹陽丹徒四縣境孟河

城黃山嘉山黃金橋黃泥灘諸處始至孟河黃山以黃歇名

嘉山相傳黃山俯瞰大江前對中興沙特屬江防津

孟嘉寓此

也

江防

臺

要圖山在鎮江府東北六十里洪山蔣山皆與密邇

蔣山前之韓橋營昔年韓世忠駐兵處也今建有礮

隄圖山與東生洲

此從剛直奏議見前江圖說作樂生

南北兩岸江

面最窄彭剛直所謂有險可扼爲第二重門戶者東

生洲以下統稱太平洲長數十里東北當泰興江都

二縣之境明代江防考云圖山屹立江濱江中諸沙

爲之外護舟行其間僅通一路矢石可及況當江流

轉屈層峯峭壁俯瞰湍波石屯設重兵水陸協守賊

必不敢越此而西今考刻下形險猶是與明無異圖

山之宜扼重如此

自狼山福山以西約畧所記里數均本近時長江圖說

沿南岸圖山而上。歷大港孩溪諫壁丹徒諸口。再過胡

家溝。凡五十餘里。而至丹徒縣之象山。已近鎮江府

治城外。地象山與北岸都天廟相對。焦山峙大江中

流彭剛直公以爲第三重門戶

見前江南

府城在北固山

下。舊有鐵甕之號。爲自昔用武處。北固一作北顧。象

山當其右首。縣曰丹徒者。相傳秦政以其地有天子

氣。使赭衣徒三千鑿京峴山以敗其勢。故今名其所

猶曰秦鑿虛。運河各舟自浙江來者。經此出京口入

江都天廟在順江洲之上。洲長數十里與紅橋近其西卽

瓜洲瓜洲之口爲江北運河由此以往揚州府城運河

卽古邗溝唐時此閒江闊四十里自瓜洲沙壅日廣至明

嘉靖以後僅寬七八里近蓋一葦可杭非昔年比

沿南岸象山而上歷京口蒜山金山五州朝王諸山又

經下蜀街而至倉頭約計百里倉頭之後爲馬鞍山

前爲三江口江面在此亦窄稍西則北岸東溝口儀

徵縣之掘鹽洲直其下由倉頭再上三十餘里曰石

埠橋正北曰划子口沙洲圩此金陵內戶也晉元帝